



LVdolphus à teneris annis in omni genere literarum educatus fuit. Itaque cum sua eruditione & pietate reliquos suæ gentis superaret, Ratzenburgensis ecclesiæ præpositus ordinatus fuit. Eam functionem ipse magna laude diu administravit, atque intra & extra chorum reliquis exemplo fuit. Cum itaque Ioan. Preen episcopus an. 1435 obiisset, Ludolphum omnium votis eius loci antistes electus fuit. Erat hic per omnia vir (ut Crantz. inquit) apostolicus, moribus & vita veram præferens episcopi normam. Fuit namque pius, prudens, humilis, mansuetus, pudicus, sobrius, castus, iustus, & quietus, neque dolus aliquando est in ore eius inuentus & in

ter affligendam carnem suam spirituique subijciendam cilicio ad nudam cutem utebatur. Quoniam autem ecclesia illa græ alieno plurimum esset onerata, ipse sua frugalitate id redemit, atque annuos proventus multo maiores effecit. In primis autem laudabile existit quod Ioannes certa stipendia pro futuris in sua ecclesia canonicis ordinavit, ut illi iuvenes in publico aliquo literarum Gymnasio optime instituerentur. sciebat enim viris doctis & non otiosis & ventri deditis in tempore opus esse. Unde etiam reuersos ipse examinavit, atque pro cuiusque doctrina & pietate officia assignavit. Cum hoc modo diu præfuisset tandem anno circiter 1456 obiit & magnum sui desiderium apud omnes reliquit.